



**SIPA** u IRB-u, Bobar banci i Agenciji za bankarstvo RS-a

# UHAPŠENE INJAC I VUJNIĆ

Slobode lišeni i bivši rukovodioci Bobar banke zbog štete od 123 miliona KM • Dodik ponovo ljut na Institucije BiH

Piše: **Gordana KATANA**

Pripadnici Agencije za istrage i zaštitu (**SIPA**) jučer su u Banjoj Luci lišili slobode direktorice Agencije za bankarstvo RS-a Slavicu Injac i Investiciono-razvojne banke RS-a Snežanu Vujnić.

Uhapšeni su i radnici Bobar banke Petar Cacanovačić, bivši generalni direktor Bobar banke, Radmila Đurišić, Sonja Kurtuma, koja je bila član NO te banke, Ana Miroslavić, bivši generalni direktor, te Batrić Đurišić, nekad izvršni direktor sektora za upravljanje rizicima, kao i Zdravko Dubov, bivši interni revizor.

## Zločinačko udruženje

Kako je saopšteno iz državnog Tužiteljstva, akcije su rezultat višemjesečne detaljne istrage kaznenih djela i nezakonitosti vezanih za Bobar banku i bankarski sektor.

“Navedene osobe osumnjičene su da su kao skupina pripadnika međusobno povezanog i organiziranog zločinačkog udruženja, djelujući u međusobnom dogovoru, počinile niz nezakonitosti u poslovanju Bobar banke, u dodjeli kredita u višemilijunskim iznosima, kao i nezakonitih bankarskih garancija za razne poslove, uz kršenja procedura i garancija propisanih Za-

konom o bankama RS-a, te su na taj način nanijele štetu i omogućile sticanje nezakonite imovinske koristi od oko 123 milijuna KM (navedeni iznos dostiže više od 10 posto budžeta svih institucija BiH). Počinitelji su davali kredite i bankarske garancije bez poštivanja zakonom propisanih procedura, plasirane poduzećima i privrednim subjektima različitih vlasnika koji su povezani ili su suvlasnici Bobar banke, te su znali da se naplata sredstava neće moći realizirati i da su korištene nezakonite garancije, da će nastupiti šteta koja će prouzročiti stečaj navedene banke i ozbiljne potrese u bankarskom sektoru BiH. Ovakve nezakonite aktivnosti nanijele su veliku štetu kreditnom rejtingu naše zemlje i dovele do toga da se MMF aktivno uključuje

## REJTING DRŽAVE

**Osumnjičeni su svojim radnjama nanijeli veliku štetu kreditnom rejtingu BiH i ugrozili depozite pravnih i fizičkih lica u Bobar banci**

u analizu dešavanja u bankarskom sektoru. Ovim aktivnostima su ugroženi i depoziti razli-

čitih pravnih i fizičkih osoba koji su bili deponovani u Bobar banci, uključujući sredstva gradova, općina, poduzeća, zdravstvenih zavoda, PIO fondova, elektroprivreda, fizičkih osoba te je nanjena višemilijunska šteta Agenciji za osiguranje depozita BiH“, poručuju iz Tužiteljstva.

Uhapšeni su osumnjičeni za kaznena djela: organizirani kriminal u vezi sa zloupotrebom ovlaštenja u privredi, organizirani kriminal u vezi sa zloupotrebom službenog položaja ili ovlaštenja, pranje novca, falsifikovanje ili uništavanje službene isprave.

## Izjave i spektakl

Na akciju je jučer reagovao i predsjednik RS-a Milorad Dodik, ocijenivši da je riječ o “bespotrebnoj manifestaciji sile”. On je uvjeren da su zaposleni u Agenciji za bankarstvo RS-a i IRB-u radili u skladu sa zakonom i da tu nema elemenata odgovornosti i krivice. Istakao je da “nije bilo dovoljno to što su ti ljudi bili pozvani od Tužilaštva, davali izjave, već se htio napraviti medijski spektakl”.

- Upravo to je i urađeno. Upadanje **SIPA** u institucije Srpske nije ništa drugo nego manifestacija te grubosti i dokaz svima da nam ovakva BiH sa ovakvim institucijama ne treba, naveo je Dodik.



**IRBRS:** Krediti plasirani bez garancija

## Poziv iz Tužilaštva

Advokat Miodrag Stojanović iz Bijeljine potvrdio nam je da je upoznat sa akcijom **SIPA**, te da mu je iz Tužilaštva BiH javljeno da neki od uhapšenih već imaju bratioce, a da su neki tražili

da ih on preuzme. Dodao je da ova hapšenja nisu ni u kakvoj vezi s postupkom koji se vodi protiv njegovog klijenta Slobodana Pavlovića, vlasnika Pavlović banke.

- U ovom slučaju radi se o plasmanima kredita bez valjanih

garancija koji su IRB uveli u probleme. U Bobar banci je problem podizanje gotovine iz depozitnih rezervi, te fiktivni kredit zaposlenika od četiri miliona KM za popravljavanje rejtinga te banke, rekao je Stojanović.



**Injac i Vujnić:** Osumnjičene za više krivičnih djela